

## UPUTSTVO ZA POPUNJAVANJE OBRASCA - BOLESNIČKO STATISTIČKI LIST (Obr.br1-I-BSL)

### Opće napomene:

Za određene pojave koje se prate u Službama zdravstvene zaštite predviđeno je da zdravstvene ustanove, odnosno odgovorni zdravstveni radnici zaposleni u njima, popunjavaju i dostavljaju, na zakonski propisan način i u zakonski propisanim rokovima, odgovarajuće individualne izvještajne obrasce. **Bolesničko statistički list popunjava svaka ustanova koja se bavi pružanjem usluga bolničke zdravstvene zaštite .**

Pravni osnov za prikupljanje podataka putem individualnih izvještajnih obrazaca su: Zakon o zdravstvenoj zaštiti /Sl.novine FBiH br. 46/10i 75/13/, Program statističkih istraživanja /Sl.novine FBiH br.45/03, Zakon o evidencijama u oblasti zdravstva /Sl.novine FBiH br. 37/12/

*Bolesničko – statistički list* ispunjava se prilikom otpusta hospitaliziranog pacijenta iz bilo koje stacionarne ustanove

*Bolesničko – statistički list* se ispunjava bez obzira da li se pacijent vraća svojoj kući, premješta u drugu stacionarnu ustanovu (**premještaj na drugi odjel iste stacionarne ustanove zdravstva ne smatra se prekidom hospitalizacije pa se ne ispunjava ponovno**)

Podaci za bolesničko statistički list šalju se s datumom otpusta unutar razdoblja od 1. januara do 31. decembra godine u kojoj se provodi statističko istraživanje. Za jednu hospitalizaciju pacijenta u ustanovi ili lokalitetu ustanove ispunjava se samo jedan *Bolesničko – statistički list* bez obzira na broj odjela na kojima je pacijent boravio tokom navedenog boravka u toj bolnici te za osobe primljene u dnevnu bolnicu uključujući i **bolničku hemodijalizu**.

*Hemodijaliza se odnosi na bolničke hemodijalize (uključujući i „vanjske“ pacijente), a iskazuje se kao dnevna bolnica s boravkom od jednog dana.*

Ukoliko se na boravak u dnevnoj bolnici nadovezuje boravak u stacionarnom dijelu bolnice ili lokaliteta bolnice ispunjava se jedan *Bolesničko – statistički list* za boravak u dnevnoj bolnici te drugi *Bolesničko – statistički list* koji se odnosi na boravak u stacionarnom dijelu bolnice ili lokalitetu bolnice. Ukoliko postoji kombinacija boravaka u vremenskom slijedu: dnevna bolnica - stacionarni dio bolnice ili lokaliteta bolnice - dnevna bolnica, ispunjavaju se tri *Bolesničko – statistički list* i to dva koja se odnose na vrijeme provedeno u dnevnoj bolnici te jedan *Bolesničko – statistički list* koji se odnosi na boravak na stacionarnom dijelu bolnice ili lokaliteta bolnice.

*Bolesničko – statistički list se popunjava za sve pacijente koji nisu onkološki i psihijatrijski bolesnici, obzirom da se za te pacijente popunjava Bolesničko – statistički list onko tip i Bolesničko – statistički list psihijatrijski obrazac.*

Obrazac „Bolesničko statistički list“ treba biti precizno ispunjen, potpisan od strane ljekara, ovjeren pečatom nadležne ustanove i kao takav proslijeđen nadležnom Zavodu za javno zdravstvo kantona, u zakonski propisanim rokovima. Obrazac se popunjava u dva primjerka: jedan ostaje u zdravstvenoj ustanovi koja prijavljuje oboljenje, a druga prijava se dostavlja u nadležni kantonalni zavod za javno zdravstvo u **roku od pet dana tekućeg mjeseca za prethodni mjesec**.

Nadležni kantonalni zavod za javno zdravstvo sumirane izvještaje dostavlja Federalnom zavodu **do 31.03. tekuće, za prethodnu godinu**.

### Izvor podataka:

- Matična knjiga lica smještenih u bolničkoj zdravstvenoj ustanovi i historija bolesti

U matičnu knjigu lica smještenih u bolničkoj zdravstvenoj ustanovi upisuju se:

- svi slučajevi liječeni zbog bolesti i povreda u službi za bolničko-stacionarno liječenje
- svi slučajevi rehabilitacije na bolničkom tretmanu

### Način popunjavanja prijave:

U gornjem lijevom uglu upisuje se kanton, općina, zdravstvena ustanova i odjeljenje

PODACI	OPIS
1. PREZIME /Ime oca/ IME	Upisati prezime, očevo ime i ime
2. DATUM ROĐENJA	Upisati dan, mjesec i godinu rođenja
3. SPOL	Upisati odgovarajući odgovor /1- muško, 2- žensko/
4. MATIČNI BROJ	Upisati matični broj
5. ADRESA	Upisati adresu prebivališta, ulica i broj
6. ZANIMANJE	Upisati zanimanje, i šifru zanimanja, prema standardnoj klasifikaciji djelatnosti
7. BRAČNO STANJE	Upisuje se redni broj koji odgovara bračnom statusu pacijenta
8. RADNI STATUS	Upisuje se redni broj u kućicu koji odgovara radnom statusu pacijenta
9. DATUM PRIJEMA	Upisuje se dan, mjesec i godina prijema
10. DATUM ISPISA	Upisuje se dan, mjesec i godina ispisa
11. BROJ BOLESNIČKIH DANA	Upisuje se broj bolesničkih dana (datum otpusta se ne uključuje u ukupan broj bolesničkih dana), i unosi u za to određeno mjesto, kućicu
12. RAZLOG HOSPITALIZACIJE	Zaokružiti odgovarajući razlog hospitalizacije i upisati šifru u za to određeno mjesto, kućicu
13. OSNOVNA DIJAGNOZA PREMA MKB	Upisati osnovnu dijagnozu i šifrirati prema važećoj MKB
14. OSTALE DIJAGNOZE	Upisati ostale dijagnoze koje je osoba na hospitalizaciji imala ili su utvrđene u toku liječenja osnovne bolesti i šifrirati prema važećoj MKB
15. BROJ ISTORIJE BOLESTI	Upisuje se broj istorije bolesti
16. VRSTA OPERATIVNOG ZAHVATA	Upisati vrstu operativnoga zahvata
17. MJESTO POVREDE	Zaokružiti odgovarajući odgovor, ukoliko je hospitaliziran/a zbog povrede i upisati šifru u za to određeno mjesto, kućicu
18. SPOLJNI UZROK POVREDE PO MKB	Upisati spoljni uzrok povrede po važećoj MKB, i upisati šifru u za to određeno mjesto, kućicu
19. STANJE PRI OTPUSTU	Zaokružiti odgovarajuće stanje hospitalizirane osobe pri otpustu, i upisati šifru u za to određeno mjesto, kućicu
20. ISHOD REHABILITACIJE	Zaokružiti odgovarajući ishod rehabilitacije ukoliko je osoba hospitalizirana zbog rehabilitacije, i upisati šifru u, za to određeno mjesto, kućicu
21. ZA UMRLE, OSNOVNI UZROK SMRTI PREMA MKB	Upisati osnovni uzrok smrti po važećoj Desetoj MKB ukoliko je osoba umrla u toku hospitalizacije, i šifru po važećoj MKB